


CONVENIO DE COLABORACIÓN ENTRE O CONSORCIO GALEGO DE SERVIZOS
DE IGUALDADE E BENESTAR E O CONCELLO DE MOS PARA A CONSTRUCCIÓN
DUNHA ESCOLA INFANTIL NO CONCELLO DE MOS

REUNIDOS



Dunha parte, José Manuel Rey Varela, Conselleiro de Política Social, en virtude da súa condición de Presidente do Consorcio Galego de Servizos de Igualdade e Benestar segundo os estatutos que o regulan publicados no DOG núm. 131 do 7 de xullo de 2006.


E doutra, Nidia Mª Arévalo Gómez, actuando en representación do Concello de Mos, en virtude da súa condición de Alcaldesa Presidenta da citada Corporación, segundo o disposto no artigo 21 da Lei 7/1985, do 2 de abril, reguladora das bases do réxime local e no artigo 61 da Lei 5/1997 do 22 de xullo, de administración local de Galicia.

Ambas as dúas partes recoñécense mutuamente a capacidade legal necesaria para o outorgamento do presente Convenio, no exercicio dos seus respectivos cargos, e dentro do marco dos principios de coordinación, colaboración e respecto mutuos que deben informar as relacións entre ambas as dúas administracións

EXPOÑEN:

I. Que o artigo 15.1 da LO 2/2006, do 3 de maio, de Educación establece que as administracións públicas deben promover un incremento progresivo da oferta de prazas públicas no primeiro ciclo de Educación infantil, establecendo ademais as políticas de cooperación entre elas e con outras entidades para asegurar a oferta educativa neste ciclo.



II. Que o Consorcio Galego de Servizos de Igualdade e Benestar no cumprimento dos seus fins, quere desenvolver as actuacións necesarias para a construción e posterior xestión dunha escola infantil no Concello de Mos no exercicio das competencias que se lle atribúen no artigo 7 dos seus Estatutos publicados no DOG núm. 131 do 7 de xullo de 2007.

III. Que o Concello de Mos adheriuse ao Consorcio Galego de Servizos da Igualdade e do Benestar por medio de Convenio asinado o 17/11/2006 e manifesta a súa vontade de establecer unha escola infantil no seu termo municipal.

IV. Que en base ao anterior, ambas as partes manifestan expresamente o seu desexo de asinar un CONVENIO DE COLABORACIÓN para a construción e equipamento dunha escola infantil no Concello de Mos.

Por canto antecede, as partes formalizan o presente CONVENIO DE COLABORACIÓN coas seguintes


CLÁUSULAS

PRIMEIRA.- O presente convenio ten por obxecto regular o marco de colaboración entre o Consorcio Galego de Servizos de Igualdade e Benestar e o Concello de Mos para a construción e equipamento dunha escola infantil neste concello.

SEGUNDA.- O Consorcio desenvolverá o procedemento de licitación pública e de adxudicación dos traballos de execución das obras correspondentes ao proxecto de execución da Escola infantil redactado e aprobado polo concello.

CONSORCIO

de Servizos de Igualdade e Benestar



Fondo Europeo de
Desarrollo Regional
Una manera de hacer Europa

TERCEIRA.- O Concello cede gratuitamente ao Consorcio o uso da parcela situada no Parque Empresarial de Veigadaña, parroquia de Petelos, inscrita no Rexistro da Propiedade co número de finca 22236, Tomo 702, Libro 174, Folio 108, Alta 2, cunha superficie de mil setecentos vinte m², de titularidade municipal, libre de cargas e gravames, urbanisticamente idónea para o uso pretendido, por un prazo de 25 anos prorrogables por un prazo igual, que deberá destinarse ao fin previsto.

A parcela deberá ser posta a disposición e con cantos servizos sexan necesarios e a pé da mesma, entre outras as acometidas de luz, auga, teléfono, gas, así como calquera outra de análoga natureza que sexa imprescindible para a construción do edificio (servizos de obra) e para o correcto funcionamento ou servizo do centro obxecto da obra que se realice.

CUARTA.- O Concello comprométese, mediante este convenio, a facilitar ao Consorcio os informes, permisos, autorizacións e/ou licenzas que sexan necesarias para a realización da actuación obxecto deste convenio, e a asumir os custos das mesmas. A estes efectos o Concello de Mos aprobará o proxecto básico e de execución do centro a construír.


QUINTA.- A inversión total para a construción e equipamento da Escola infantil estímase na cantidade de 1.031.141,55 €, incluíndose neste importe os gastos de honorarios de redacción de proxectos e direccións de obra, consonte á seguinte distribución.

CONCEPTO	IMPORTE (ive engadido)
Obra (segundo proxecto)	863.467,46 €
Equipamento (estimado)	100.000,00 €
Honorarios Estudio Xeotécnico	2.358,29 €
Redacción Proxecto Básico e Execución	21.767,90 €
Honorario Dirección obra	21.767,90 €
Honorario Dirección de execución e Coordinación de Seguridade e Saúde	21.780,00 €
Total	1.031.141,55 €




CONSORCIO


DE MOS
de Servizos de Igualdade e Benestar



Fondo Europeo de
Desarrollo Regional
Una manera de hacer Europa



Para a construción e equipamento da escola infantil o Consorcio achegará 800.000.-€ e o Concello a cantidade restante ata alcanzar o custo máximo estimado da inversión prevista. A estes efectos computaranse os gastos que o Concello xa ten feito na redacción do estudio xeotécnico, proxecto básico e proxecto de execución ou os que poida facer en concepto de direccións de obra e coordinación de seguridade, previa xustificación. A achega do Consorcio realizarase con cargo á partida 313I 231 622 dos seus orzamentos, financiándose polo *Fondo Europeo de Desenvolvemento Rexional, no marco do Programa operativo Feder Galicia 2014-2020, Obxectivo Temático: 10. Prioridade de Investimento: 10.5. Obxectivo específico: 10.5.1.*



Os pagamentos do Concello ao Consorcio efectuaranse previa xustificación do gasto realizado, consonte o establecido na Lei 9/2007, do 13 de xuño, de subvencións de Galicia, e o Decreto 11/2009, do 8 de xaneiro, de desenvolvemento do anterior, para o que o Consorcio deberá presentar os correspondentes xustificantes de gasto debidamente certificados polo órgano competente.

No suposto que a inversión prevista supere a cantidade estimada na cláusula V, a financiación do exceso se realizaría asumindo o Consorcio 2/3 da cantidade resultante e o Concello 1/3.


O Concello de Mos reflectirá nos créditos orzamentarios do exercicio 2017 as cantidades correspondentes as achegas comprometidas segundo o previsto nesta cláusula, e procederá ao abono de ditas cantidades no ano 2017.

No obstante, procederá a reflectir nos créditos orzamentarios do exercicio 2018 unha achega final por importe 50.000 euros que se abonará no ano 2018, xunto coas cantidades que superen a inversión prevista inicialmente na parte que lle corresponde, se fora o caso.



CONSORCIO

de Galicia
Servizos de Igualdade e Benestar



Fondo Europeo de
Desarrollo Regional
Una manera de hacer Europa

A estes efectos, a aportación do Concello de Mos computará os gastos que o Concello xa tén feito na redacción do estudo xeotécnico, proxecto básico e proxecto de execución ou os que poida facer en concepto de direccións de obra e coordinación de seguridade, así como a diferenza respecto a aportación do Consorcio no importe total da execución da obra e o equipamento, segundo a táboa de distribución prevista no presente convenio e coa proporcionalidade igualmente establecida en canto ós posibles excesos.

As cantidades a aportar polo Concello de Mos e referidas a execución da inversión e o equipamento, faranse efectivas previa xustificación da súa realización.

SEXTA.- A posterior xestión da escola infantil corresponderá ao Consorcio, ou ente que no seu caso asuma as súas competencias, e será obxecto de regulación a través do convenio que para tal fin asinarán ambas as dúas partes no seu momento, de acordo cos criterios fixados no Acordo marco formalizado entre a Consellería de Política Social e a FEGAMP o 11 de maio de 2016.

SÉTIMA.- O presente convenio entrará en vigor o día da súa sinatura, e estenderá a súa vixencia mentres dure o fin que o motiva.

OITAVA.- A efectos da resolución das dúbidas interpretativas que puideran xurdir con ocasión da execución do presente Convenio, constituirase unha comisión de carácter mixto integrada por, cando menos, un representante de cada unha das partes.

NOVENA.- Serán causas de resolución do presente convenio o mutuo acordo das partes e o incumprimento total ou parcial de calquera das cláusulas establecidas no mesmo.

DÉCIMA.- O presente convenio terá carácter administrativo, rexéndose, aos seus efectos, polo disposto nas cláusulas do mesmo e, no seu defecto, polos principios xerais establecidos no Real Decreto Lexislativo 3/2011, do 14 de novembro, polo que se aproba o texto refundido da Lei de Contratos do Sector Público, xunto coas demais disposicións legais vixentes en materia de contratación administrativa.

E en proba de conformidade cos termos do convenio, as partes comparecentes asíñano e rubricano por triplicado exemplar no lugar e data expresados.

En Mos 9 de agosto de 2016

O PRESIDENTE DO CONSORCIO GALEGO DE
SERVIZOS DE IGUALDADE E BENESTAR



Asdo. José Manuel Rey Varela

A ALCALDÉSA DO CONCELLO DE MOS



Asdo. Nidia Mª Arevalo Gómez